

Publication/Creation

1949

Persistent URL

<https://wellcomecollection.org/works/xyjdksqb>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Os valdè dissectum.

VASTA oris dissectio, stolidissimi, crudi, & impij hominis notas præbent. Talia nanq; sunt arietum ora. Polemon. Manducones Adamantius, & insipientes dicit, & ad canes refert. Albertus. Cum os ultra modum dilatatur, ut diductum, & rescissum videatur, imitem, impium, bellicosum, & voracem notat, à Polemone marinis beluis, & monstris assignatur. Polemon, & Adamantius in figura fatui improbi tribuunt ei os garrulum, & apertum, ut bifida facies videatur. Ego potius ad lupos, quàm ad canes referrem, nam os valdè dissectum habent, & ingluuies est luporum propria. Sed carniuora animalia amplo sunt oris ductu omnia. Lupus piscis vastum habet os, & gula deditus, ut natura ei tale dederit. ad optimè vorandum. Lamia piscis largo est oris hiatu, nam voracissimus, & antropophagos, ut integra mortuorum cadauera voret ab hac insigni ingluuie ab Oppiano *δυσαντα χάματα* dicitur. Piscatrici rane os amplum, & latum ad piscis ingenium, moresque per accommodatum, eminentia sub oculis cornicula turbato limo exerit, ut assultantes pisciculos pertrahens, donec tam propè accedat, ut affiliat. Tragloditici boues, ut qui luporum instar carniuori sunt, omnibus riçtus vsque ad aures dehiscit, ex Plinio. Et Aelianus omne genus animalium ab eis inuadi dixit. Tali ore villicus meus prædatus est, & simul stoliditate, & canina exuritione.

Apertum os.

APERTVM os stultitiæ signum dicerem, & ad apparentem decentiam, referrem. Plerique apud nos sunt hianti ore stantes, & incedentes, & insipientes, & stupidi sunt. Aristophanes *καταγέλας* idest ore hiantes, pro stultis accepit.